



Kamis 17 Oktober 2024

Ogen: Matius 20:20



NDEHARA SEBEDEUS



Sekalak jelma banci si tandai arah; ise gelarna, anak ise ia, ise perbulangenna ntah pe nande ise ia. Teks renungenta nuriken maka identitas paksa enda e me sekalak ndehara ras anak-anakna. Adi i bas bahasa Indonesia ikataken, ibu anak-anak Sebedeus. Banci statusna ijelaskan e me diberu si mupus anak-anak Sebedeus. Bagenda me megati geluh sekalak jelma khususna sekalak diberu, ia iiget ntah pe isuratken gelarna erkiteken perbulangen ntah pe anak-anakna. La terjeng status sebage ndehara tapi megati maka geluh, perbahanenta nentuen kehamaten perbulangen. Bagi si isuratken i bas kitab Kuan-kuanen 31, ndehara si cerdas.

Adi nai isingetken rusur maka 'dibalik kesuksesan seorang laki-laki, ada seorang perempuan dibelakangnya' ntah banci me siganti alu nuratken maka '...ada seorang perempuan disampingnya'. Bagenda me mbelinna pengaruh kehadiran sekalka diberu nandangi perbulangenna. Paksa enda Salome la isuratken gelarna i bas teks enda tapi ikataken maka ia ndehara Sebedeus.

Selaku Moria pe rusuren identitasta adi enggo erjabu ikawitken ras perbulangenta. Sipetandaken dirinta alu 'aku ndehara si Anu', enda si nukur aku, kembrahen Ginting aku' ras sidebanna. Secara budaya payo bage, diberu ikut ku bas keluarga perbulangenna, janah ertina bangga kita nuriken statusta e. Amin megati alu kata sibelasken kita e mbages kal erti dirinta rikutken gelar si akuken kita e. Kitab Matius mpetandaken Salome alu gelar perbulangenna. Janah geluh biak rikut pengkebet sekalak ndehara pe mbelin mpengaruhi geluh ras gelar perbulangenna. Mari radu ras kita si ergan, gelar ras status kai pe si leket bas kita sigeluhken alu mehuli termasuk identitasta selaku kalak Kristen.